

Izjava: Odgovor OHR-a na novinski tekst u kojem gospodin Prlić predlaže novi sporazum za prikupljanje RTV takse

Ugovorom o stabilizaciji i pridruživanju sa Evropskom unijom Bosna i Hercegovina je obavezna implementirati neophodno zakonodavstvo u vezi sa javnim emitovanjem i stvoriti finansijski održiv Javni RTV sistem za Bosnu i Hercegovinu. Parlament BiH je zakonom odredio da će tri telekom operatera prikupljati RTV taksu za vrijeme važenja prve dozvole za emitovanje dodjeljene Javnom RTV sistemu. Detalji ove zakonske obaveze daljnje su elaborirani u ugovoru koji su tri telekom operatera potpisala sa javnim RTV servisima 18. novembra 2005. godine. Zato je viši zamjenik visokog predstavnika ambasador Martin Ney bio iznenaden kada je u novinskom članku pročitao da se direktor HT-a, gospodin Prlić, nada novom sporazumu sa Javnim RTV servisom i Regulatornom agencijom za komunikacije, iako je HT Mostar tek nedavno potpisao ugovor. "Želio bih podsjetiti gospodina Prlića da je plaćanje RTV takse zakonska obaveza koju su tri telekoma u BiH obavezna da provedu", rekao je ambasador Ney. On je istakao da su tri telekom operatera imala dovoljno vremena za pripremu poslovanja, kako bi se osposobili za provođenje novog ugovora od 1. januara 2006. godine. Dodatno, ambasador je pojasnio da Zakon o Javnom RTV sistemu ni na koji način ne krši odredbe Zakona o zaštiti potrošača BiH.